

PROKURORIA E PËRGJITHSHME
Nr. 68/17 Prot.
Datë 03.03.2021.
DREJTORIA



REPUBLIKA E SHQIPËRISË
PROKURORIA PRANE GJYKATES SE SHKALLES SE PARE KRUJE

Z. Shkëlq
3 Mars 2021

ANALIZË

**E TREGUESVE KRYESORË TË PUNËS PËR VITIN 2020
TË PROKURORISË SË RRETHIT GJYQËSOR
KRUJE**

DREJTUAR :
PROKURORIT TË PËRGJITHSHËM
Z.Olsian Çela

TIRANË

I nderuar Z. Prokuror i Përgjithshem!

Në mbyllje të vitit 2020 në zbatim të detyrimeve ligjore që rrjedhin nga Ligji nr. 97/2016 "Për organizimin dhe funksionimin e Prokurorisë në Republikën e Shqipërisë" "paraqes para Jush këte material në të cilin përcaktohen arritjet dhe objektivat e realizuara gjatë ushtrimit të ndjekjes penale në fazën e hetimit paraprak dhe në gjykim, kryerjen e detyrimeve të tjera të parashikuara në ligj nga prokurorët dhe oficerët e policisë gjyqësore si dhe analizohen treguesit sasiorë dhe cilësorë në përgjithësi dhe në veçanti për secilin prokuror.

Kjo analizë është bazuar në drejtimet dhe përparësitë tona në luftën kundër kriminalitetit dhe ka për qëllim përgjithësimin e përvojës pozitive, por njëkohësisht edhe evidentimin e mangësive dhe problemeve që kanë lindur gjatë këtij viti gjyqësor me synimin e vetëm përmirësimin e vazhdueshëm të

treguesve dhe goditjen në kohë dhe me efikasitet të veprave kriminale në territorin e Rrethit Gjyqësor në të cilin ajo ushtron aktivitetin e saj.

Ne qender te vemendjes tone gjate vitit qe analizojme kane qene zbatimi me rigorozitet i Rekomandimeve Prioritare te Keshillit te Ministrave “**Per luften kunder kriminalitetit per vitin 2020**“, marrjen e masave per zbatimin e aktiviteteve sipas planit te veprimit per “Zbatimin e rekomandimeve te Rezolutes se dt.18.06.2020 “ Per vleresimin e veprimtarise se organit te Prokurorise per vitin 2019” te miratuar nga Prokurori i Pergjithsherm si dhe Udhezimet e Prokurorit te Pergjithshem te dala ne funksion te tyre.

Gjate vitit 2020 ne lidhje me zbatimin e ketyre prioriteteve ka rezultuar se :

Ne luften kunder korrupsionit :

- Aktualisht jane ne proces hetimi 2 (dy) procedime penale proaktive per vepren penale te korrupsionit te inicuar nga SHÇBA Durres te kryer kryesisht per subjekte punonjes policie te niveleve te ndryshme por edhe funksionare te pushtetit vendor ne territorin qe mbulon kjo prokurori..

Ne luften kunder krimit te organizuar :

- Megjithese ne krahasim me vitin e kaluar numri hetimeve proaktive ka qene me i vogel jane regjistruar 7 (shtate) te tille kryesisht per veprat penale ne fushen e narkotikeve per te rritur efektivitetin dhe zbulueshmerine per kete grup veprash penale. Hetime te tilla kane dhene rezultate te kenaqshme mbasi rezulton se vetem ne kuadrin e nje çeshtjeje per kultivim te bimeve narkotike sipas nenit 284/2 te K.Penal jane arrestuar **11** persona qe merreshin me kete aktivitet kriminal.

Pervec sa siper kemi ende ne hetim **10 (dhjete) procedime** penale per vepren penale “Pastrimi produkteve te vepres penale dhe veprimtarise kriminale”, parashikuar nga neni 287 i K.Penal. si dhe 9 (nente) raste te hetimeve pasurore per veprat penale qe lidhen kryesisht me narkotiket por edhe me vepra te tjera penale. Ne lidhje me kete referuar referuar Udhezimit te Prokurorit te Pergjithshem nr.10, dt.17.07.2020 eshte caktuar nje prokuror qe do te ndjeke keto çeshtje i cili informon ne menyre permantente personin e kontaktit ne Prokurorine e Pergjithshme, eshte vene ne funksion regjistri i posaçem per kete kategori veprash penale dhe jane orinetuar prokuroret qe ne gjitha rastet kur konstatohen pasuri te vena nga aktiviteti kriminal te fillojne menjehere hetimet. Gjithesesi duhet pranuar qe per kete kategori veprash rezultatet nuk kane qene ato qe priten dhe qe jane percaktuar si prioritare edhe ne Rekomandimet e Keshillit te Ministrave per luften ndaj kriminalitetit. Ka zvarritje te pajustificueshme ne hetim, ka mungese profesionalizmi nga oficeret e policise gjyqesore qe kryejne hetimin , nuk ka struktura te posaçme ne Polici dhe oficeret e trainuar , ndodh qe ne shume raste prokuroret nuk adresojne dot oficerin te cilit do ti delegohet çeshtja.

- Ne kuader te zbatimit te planit te veprimit me EUROJUST jane marre masa per sigurimin e kushteve te nevojshme per sigurine e te dhenave personale. Ne kete kuader eshte trainuar personi qe do te merret me zbatimin e ketij plani si dhe po pergatitet regjistri per komunikimet me Eurojust. Deri tani nuk kemi pasur raste te tille.

- Nuk kemi pasur ndonje rast te zbatimit te Ligjit 108/2016 ‘ Per vendosjen ne regjim te posaçem te te denuarve/paraburgosurve per veprat penale te parashikuara nga ky ligj.

- Duke perjashtuar sistemin TIMS dhe --Albania ne dabazet e tjere shteterore akoma nuk kemi siguruar aksesin e dëshiruar dhe kjo ka krijuar pengesa per kryerjen e hetimeve te shpejta dhe me efektivitet.

- Me oficeret e policise gjyqesore zhvillohen takime te shpejta ne interes te kuptimit dhe zbatimit te drejte te ligjit por duhet theksuar se ne pergjithesi, perfshi ketu edhe oficeret e policise gjyqesore te seksioneve te Prokurorise nuk jane ne nivelin profesional te kerkuar.

- Ne fushen e garantimit te pavaresise dhe pergjegjshmerise se prokuroreve eshte synuar rregullimi i mardhenieve ndermjet prokuroreve dhe drejtuesit te Prokurorise per te siguruar nje atmosfere transparente dhe besimi reciprok, rritja e rolit aktiv te tyre ne hetimet paraprake dhe ne gjykim, forcimi i standarteve te etikes, njohja dhe zbatimi me rigorozitet i Udhezimeve te Prokurorit te Pergjithshem.

- Per forcimin e respektimit te te drejtave te njeriut:

Aplikimi i denimeve alternative per vepra penale dhe autore me rrezikshmeri te ulet ka qene nje nga politikat e ndjekura ne kete drejtim..

- Jane **116 (njeqinde e gjashtembedhjete)** kerkesa te prokurorit per dhenien e denimeve alternative, neni 59 dhe neni 63, per autore dhe vepra penale me rrezikshmeri te ulet shoqerore duke shenuar ulje ne krahasim me te njeten periudhe te vitit te kaluar.

Ne **3 (tre)** raste eshte vendosur shmangja nga denimi e te miturve autore te vepres penale. Hetimet per kete kategori personash kane perfunduar brenda afateve te parashikuara ne ligj. Jane garantuar te drejtat procedurale te te miturve , deshmitare dhe viktimave te vepres penale. Ndihtese e madhe ne kete drejtim ka qene edhe puna e koordinatorëve te viktimave te cilet me pervojen e tyre i kane krijuar kesaj kategorie nje ambient me te pershtatshem.

- Jane ndjekur me prioritet rastet e procedimeve penale per vepren penale “Dhuna ne familje” parashikuar nga neni 130/a te K.Penal, jane **30 (tridhjete)** procedime penale te hetuara per kete veper penale. Per **17 (shtatembedhjete)** procedime me **22 (njezet e dy)** autore, nga te cilet **12 (dymbedhjete)** te arrestuar jane perfunduar hetimet dhe jane derguar per gjykim. Jane gjithashtu **4 (kater)** raste per vepren penale “Perndjekja” sipas nenit 121/a te K.Penal me **3 (tre)** autore te arrestuar per te cilet kane perfunduar hetimet dhe jane derguar per gjykim.

- Nuk kemi pasur ne hetim procedime penale qe kane te bejne me veprat penale qe prekin zgjedhjet e lira dhe sistemin demokratik te zgjedhjeve.

- Prokurori dhe oficeri i policise gjyqesore qe trajtojne ceshtjet e te Miturve i jane nenshtuar trainimeve me qellim administrimin sa me te mire te kesaj kategorie.

Per forcimin e bashkepunimit nderinstitucional :

- Jane permiresuar ndjeshem raportet me Policine e Shtetit. Kete e tregon edhe fakti qe ne b/punim kete viti kemi arritur te realizojme me sukses nje numer jo te vogel **procedime proaktive** me nje numer shume te larte personash te proceduar dhe te arrestuar.

- Eshte rritur b/punimi edhe me organizma te tjere ligjzbatues si dhe jane kryer trainime te perbashketa per tema qe lidhen me luften kunder korrupsionit dhe veprave te tjera penale, sidomos ato ne fushen e narkotikeve te cilat kane pasur nje perhapje te gjere ne teritorin ku ushtron funksionet kjo Prokurori. Persa i perket trainimit te prokuroreve dhe oficerëve te policise gjyqesore per kete kategori veprash penale rezulton se prokurore dhe oficer te kesaj prokurorie kane ndjekur online tema te vecanta ne trainimin vazhdues ne Shkollen e Magjistratures por edhe ne aktivitete te organizuara nga

nga organizma te vecante vendas dhe te huaj qe merren me kete aktivitet, perfshi ketu Ministrine e Drejtesise, Euralius, Opdat etj.

Ne kete kuader rendesi e vecante u eshte kushtuar ceshtjeve më problematike që shqetësojnë komunitetin e këtij rrethi qe jane veprat penale **kunder pasurise dhe ne sferen ekonomike** , veprat penale **kunder rendit dhe sigurise publike** ku prioritet kane qene veprat penale ne fushen e **narkotikeve dhe ato qe lidhen me prodhimin dhe mbajtjen pa leje te armeve luftarake dhe municionit, kryesisht te lendeve plasese, veprat penale ne fushen e veprimtarisë shtetërore të kryera nga nëpunësit shtetërorë, veprat penale kunder femijeve, martesës dhe familjes , veprat penale kunder mjedisit etj.**

Duke zbatuar detyrimin kushtetues si autoriteti i vetëm për ushtrimin e ndjekjes penale, kemi qenë të angazhuar për të kryer një hetim sa më të plotë dhe të gjithanshëm, për të gjitha procedimet e trajtuara gjatë këtij viti duke u dhene perparësi hetimeve proaktive ne veprat penale qe lidhen me detyren te zyrtareve te shtetit ne nivel vendor dhe ne vecanti ne hetimin e veprave penale ne fushen e narkotikeve te cilat ne rrethin tone rezultojne me perhapje jo te vogel. Ne kete kuader jane kryer hetime serioze per te percaktuar pergjegjesine e ketyre zyrtareve si ne rastin e demtimeve njerezore dhe materiale te shkaktuara nga termeti ashtu edhe ne pergjegjesine qe kane drejtuesit dhe nepunesit vendore ne kontrollin e teritorit qe mbulojne per te mos lejuar ushtrimin e aktiviteteve te paligjshme ne fushen e narkotikeve dhe te mjedisit.

Po keshtu jane bere perpjekje per te rritur nivelin e perfaqesimit te akuzes në gjykim, për të ekzekutuar në kohë vendimet penale të gjykatave , për të mbikqyrur në vazhdimësi vuajtjen e dënimit të të dënuarve si dhe per te bashkerenduar punen me te gjithë aktoret e tjere te luftes kunder kriminalitetit perfshi ketu Policine e Shtetit dhe organet e tjera ligjzbatuese. Rendesi i eshte kushtuar edhe permbushjes se detyrimeve lidhur me mardheniet juridiksionale me autoritetet e huaja ne fushen e zbatimit te leterporosive, ekstradimeve, njohjes se vendimeve penale te huaja etj.

Krahas kësaj, në përputhje me detyrimet e parashikuara shprehimisht në Kushtetutë dhe në ligjin procedural penal jemi përpjekur që në veprimtarinë tonë të respektojmë të gjitha kërkesat e një procesi të rregullt ligjor si ndaj personave të dyshuar si autorë të veprave penale duke u garantuar të gjitha të drejtat që iu njeh ligji dhe duke ndërhyrë në të gjitha rastet kur të drejtat e tyre janë cënuar nga organe të tjera edhe ndaj viktimave te ketyre veprave duke u dhene prioritet shtresave me vunerabel te shoqerise si te miturve, grave apo personave qe nuk kane mundesi per tu mbrojtur.

Për veprat penale të rënda me ndjeshmëri të madhe në opinionin publik e shoqëror te permendura me siper kemi bërë përpjekje serioze që hetimet t'i përfundojmë shpejt e me cilësi, duke zbatuar një politikë ndëshkimi në përputhje me rëndësinë e faktit dhe efektet për parandalimin e tyre me qëllimin e vetëm për të garantuar nje jete te sigurte dhe me sa më pak probleme për komunitetin.

Gjate vitit 2020 kane dale disa Urdhera dhe Udhezime te Prokurorit te Pergjithshem te cilat nese do te implementohen me rigorozitet dhe pergjegjshmeri do te sherbejne si pika referimi dhe do te luajne nje rol te nadh ne permiresimin e puneve. Ne kete kuader per te bere keto urdhera dhe Udhezime sa me te zbatueshme Drejtuesi i Prokurise ka nxjerre edhe Udhezime te pergjithsme ku jane percaktuar detyrat konkrete per prokuroret, oficeret e policise gjyqesore dhe personelin tjetër te Prokurorisë ne funksion te ketij zbatimi duke udhezuar prokuroret qe per ceshtjet ne hetim te kryejne detyrimisht verifikimin pasuror dhe ne te gjitha rastet qe do te rezultojne pasuri te vena nga aktiviteti kriminal te vleresohet kryerja e sekuestreimeve sipas percaktimeve te K.Pr.Penale etj

Gjate ketij viti qe po analizojmë ka vazhduar implementimi i ligjeve te reja ne kuadrin e Reformes ne Drejtesi te cilat kane sjelle shume ndryshime ne aktivitetin procedural te Organit te Prokurorise. Ne kete kuader jane bere perpjekje serioze per te garantuar pavaresine e prokuroreve ne vendimarrje dhe jane ndertuar raporte te reja ndermjet tyre dhe drejtuesit te Prokurorise. Po keshtu rendesi e vecante i eshte kushtuar zbatimit ne praktike te risive te reja qe ka sjelle ndryshimi i K.Pr.Penale.


- Gjatë këtij viti të cilin po analizojmë kjo Zyrë ka ushtruar ndjekjen penale për **1011** procedime nga **851** të vitit 2019 si dhe për **529 (192+337)** persona të pandehur dhe nën hetim nga **405 te vitit 2019**. Nga sa shihet ka nje rritje te konsiderueshme te numerit te ceshtjeve penale te regjistruara dhe gjithashtu rritje te personave te proceduar.

Në një këndvështrim të përgjithshëm shihet qartë se veprat penale më të përhapura gjatë këtij viti kanë qenë **veprat penale kunder rendit dhe sigurise publike** gjithesej **540** procedime nga te cilat **386** procedime per “Kultivim te bimeve narkotike”, parashikuar nga neni 284 i K.Penal, **20** procedime per “Prodhim dhe shitje te narkotikeve”, parashikuar nga neni 283 i K.Penal, **46** procedime per “Shkelje te rregullave te qarkullimit rrugor” parashikuar nga neni 290 i K.Penal, **45** procedime per vepren penale “Drejtimi automjeteve ne menyre te parregullt “ parashikuar nga neni 291 i K.Penal, **20** procedime per nenin 278 te K.Penal, **6** procedime per nenin 275 te K.Penal, **5** procedime per nenin 277 te K.Penal dhe **2** procedime per nenin 287 te K.Penal etj, **veprat penale kunder pasurise dhe ne sferen ekonomike** gjithsej **360** procedime ku numrin me te madh e zene ato te parashikuara nga neni 134 i K.Penal (vjedhje pasurise) **92** procedime, neni 137 i Kodit Penal (Vjedhje energjis eletrike) **20** procedime , (veprat penale qe cenojne regjimin juridik te tokes dhe te ndertimeve)**90** procedime, neni 150-162 (shkaterrimi prones) **29 procedime**, neni 143 i Kodit Penal (mashtrimi) **8** procedime, **krimet kunder jetes dhe shendetit 36** procedime,**veprat penale kunder drejtesise** gjithesej **17** procedime , **krimet kunder veprimtarise shteterore te kryera nga punonjesit shteteror** gjithesej **32** procedime ku numerin me te madh e zene ato te parashikuara nga neni 248 i K.Penal (Shperdorimi i detyres) **31** procedime, etj.


Më poshtë paraqitet në mënyrë grafike përhapja e veprave penale në rrethin e Krujës gjatë vitit 2020 dhe krahasimin e tyre me vitin 2019 per te pare me mire tendencat per cdo grup vepre penale.

Sipas veprave penale

- krimet kunder pasuris dhe sferes ekonomike(360 procedime)
- Veper penale kunder rendit dhe sigurise publike (540 Procedime)
- Krime kunder jetes dhe shendetit (36 Procedime)
- Veper penale kunder drejtesise(17 Procedime)
- Veper penale kunder autoritetit te shtetit (32 Procedime)
- Te tjera (26 Procedime)




Veprat penale krahasuar me vitin 2019 :



Konkretisht, figurat e veprave penale më të përhapura janë si më poshtë:

Sipas Neneve

■ Neni 284 I K.Penal (386 Procedime)	■ Neni 283 I K.Penal (20 Procedime)
■ Neni 290 I K.Penal (46 Procedime)	■ Neni 291 I K.Penal (45 Procedime)
■ Neni 278 I K.Penal (20 Procedime)	■ Neni 248 I K.Penal (31 Procedime)
■ Neni 134 I K.Penal (92 Procedime)	■ Neni 130/a I K.Penal (30 Procedime)
■ Neni 150-162 I K.Penal (29 Procedime)	■ Nene te tjera (312 Procedime)



Hetimet e kryera për këto kategori veprash penale tregojnë se shkaqet e përhapjes së tyre janë të ndryshme, sociale dhe ekonomike, probleme të mosfunksionimit të organeve të qeverisjes vendore dhe organizmave të tjere ligjzbatues, probleme të infrastrukturës dhe edukimit të pamjaftueshëm në respektimin e rregullave të qarkullimit rrugor nga drejtuesit e mjeteve, por edhe nga shtetasit, mosfunksionimi i rregullt i strukturave të ndryshme shtetërore që mbikqyrin veprimtari të palejuara dhe në shkelje të ligjit, etj. Po kështu edhe kontigjenti i personave që kanë kryer këto vepra penale rezulton të jete kryesisht i moshës 18-60 vjeç me nivel të ulët arsimor dhe kulturor, kryesisht banorë të Njesive Administrative të fshatrave përreth qytetit të Fushe-Krujes dhe në Malesinë e Krujes. Numeri i personave me arsim të lartë të dyshuar apo të akuzuar si autorë të veprave penale është i ulët dhe kryesisht janë punonjës të administratës vendore që janë akuzuar për vepra penale në lidhje me detyrën e tyre.


Në regjistrat e kësaj prokurorie janë regjistruar për **vitin 2020** gjithsej **1011** procedime penale me **529** persona të pandehur dhe nën hetim prej të cilëve **82** kanë qenë me masë sigurimi “Arrest në burg”.

Nga viti 2019 janë mbartur gjithsej **543** procedime penale me **178** persona të pandehur dhe **149** persona nën hetim nga të cilët **98** kanë qenë me masë sigurimi “Arrest në burg”.

NË TOTAL:

Në vitin 2020 duke përfshirë edhe çështjet e mbartura është ushtruar ndjekja penale në hetimin paraprak për **1555** procedime penale me **372** persona të pandehur dhe **485** persona nën hetim, ndër të cilët **177** kanë qenë me masë sigurimi “Arrest në burg”, ndërsa pjesa tjetër janë ndjekur me masa të tjera sigurimi.

Më poshtë paraqitet grafikisht krahasimi mes numrit të çështjeve të përfunduara gjatë vitit 2020 dhe 2019, sipas mënyrës së përfundimit:



Për vitin 2020 është vendosur mosfillimi për **230** materiale kallezues. Për të gjitha këto raste është treguar kujdesi i duhur që vendimi të merret mbasi të jenë kryer verifikimet e nevojshme dhe brenda afatit të përcaktuar në ligj. Përgjithësisht është respektuar ky afat me përjashtim të rasteve kur vonesat kanë ardhur për shkaqe objektive, siç është rasti i vonesave të akteve të ekspertimit kryesisht mjekoligjore etj, por në raste të veçanta edhe për neglizhencë nga oficerët e policisë gjyqësore të ngarkuar për të kryer verifikimet apo edhe nga vetë prokurorët. Mendojmë se politika e ndjekur në rastet e vendimeve të mosfillimit ka shërbyer jo vetëm për të mos harxhuar energji të panevojshme, por edhe për të parandaluar fillimin e ndjekjes penale ndaj personave të cilët në fakt nuk dyshohen të kenë kryer ndonjë vepër penale. Në zbatim të detyrimeve të ligjit procedural penal të gjithë personave të interesuar u janë komunikuar vendimet e mosfillimit duke u dhënë atyre mundësinë për të ushtruar të drejtën e ankimit në Gjykatë.

Nga procedimet penale të mosfilluara janë ankimuar në Gjykatë **23** prej tyre. Gjykata ka lënë në fuqi vendimet e mosfillimit në **11** raste, **3** raste janë shfuqizuar dhe **1** rast është ankimuar nga prokurori. Rastet e tjera janë ende në gjykim.

Gjatë vitit 2020 janë transferuar **10** procedime penale me **11** të pandehur/persona nën hetim. Kryesisht procedimet penale të transferuara janë dërguar në Prokurorinë Pranë Gjykatës së Shkallës së Parë Tiranë por edhe në Prokurori të tjera për shkak të kompetencës tokësore.

HETIMI PARAPRAK

Për vitin 2020 treguesit e arrestimeve në flagrancë dhe ndalimeve të kryera ndaj shtetasve të dyshuar si autorë të veprave penale të ndryshme paraqiten si me poshtë:

Janë arrestuar në flagrancë nga Policia Gjyqësore **129** persona.

Është nxjerrë urdhër ndalimi nga Prokurori/policia gjyqësore për **19** shtetas.

Në Gjykatë janë dërguar për vleftësimin e arrestit apo të ndalimit **148** persona dhe Gjykata i ka vlerësuar te ligjshme te gjitha kerkesat e prokurorit.

Për këta tregues është kërkuar respektimi me korrektesë i kriterëve të përcaktuara në ligjin procedural penal si dhe garantimi i të drejtave të personave që u është hequr liria duke kushtuar një kujdes të veçantë sidomos për respektimin e garancive që u siguron ligji personave të mitur. Në analizën e treguesve bie në sy fakti se te gjitha kerkesat e paraqitura nga prokurori janë vlerësuar te ligjshme nga Gjykata e Shkallës së Parë. Kjo tregon se konsultimi paraprak i oficerëve te policise gjyqësore qe kryejne arrestet dhe ndalimet me prokuroret e gatshem qe tashme eshte nje norme ne aktivitetin tone ka dhene rezulttatet e deshiruara.

Prokuroret kane kerkuar caktimin e e mases se sigurimit “ arrest në burg” për **79** persona ndërsa nga Gjykata është caktuar kjo masë vetëm për **69** persona.

PROCEDIMET PENALE TË PUSHUARA

Janë pushuar gjatë kësaj periudhe kohore **128** çeshtje, **21** çeshtje me shume se ne vitin 2019 me **80** persona nen hetim. Nga keto :

✚ **6** procedime jane pushuar për mungesë të faktit penal.

✚ **12** procedime për mungesë të provave të mjaftueshme.

✚ **110** procedime për shkaqe të tjera procedurale.

Cështjet e pushuara zënë rreth **14 % të** numrit të përgjithshëm të çështjeve të përfunduara në periudhën 1 vjeçare (në këtë llogaritje nuk përfshihen çështjet e transferuara dhe çështjet e pushuara per shkak te parashkrimit).

Numri më i madh i çështjeve të pushuara sic shihet është “*për shkaqe të tjera procedurale*”, gjithsej **110** çështje ndër të cilat vendin kryesor e zënë ato që kanë të bëjnë me mungesën e elementeve te vepres penale, si dhe heqjen dorë nga ankimi prej të dëmtuarve për ato procedime ku ndjekja penale është e kushtëzuar nga vullneti i tij.

Çështjet e pushuara për mungesë të provave, jane gjithsej **12** çështje. Duke analizuar procedimet e pushuara për mungesë të faktit dhe të elementëve të veprës penale arrihet ne konkluzionin se eshte e nevojshme qe gjate fazes per verifikimin paraprak te materialeve kallezuese duhet bere nje vlerësim sa me i drejtë i fakteve të paraqitura në keto materiale per te shmangur regjistrimin e procedimeve kur nuk eshte i nevojshem. Në vitin 2020 nuk eshte ankumuar asnje vendim pushimi.

Ne numerin e pergjithshem te pushimeve jane te perfshira vendimet e pushimit **57** gjithesej dhe rastet e kerkesave per pushim ne gjykate gjithesej **71** kerkesa nga te cilat per **24** ceshtje eshte pranuar kerkesa, ne **4** raste eshte vendosur kthimi akteve dhe vazhdimi i hetimeve.

PROCEDIMET PENALE TE PEZULLUARA

Gjatë vitit 2020 janë pezulluar **508** procedime penale ose **56%** e çështjeve të përfunduara , pothuajse dyfishin e vitit 2019 ku numri i çështjeve të pezulluara ka qene **227** te tilla. Numrin më të madh të procedimeve penale të pezulluara e zënë procedimet për veprën penale të kultivimit të bimeve narkotike kjo për shkak të kultivimit të këtyre bimeve në toka pa pronar por edhe për punë të pamjaftueshme nga strukturat e shtetit për identifikimin e parcelave ku kultivohen këto bime , përfshi këtu policinë dhe organet e pushtetit vendor si dhe për veprën penale “Vjedhja” (neni 134 i K.Penal)

Ajo që konstatohet këtë vit është fakti se është rritur në mënyrë të ndjeshme numri i procedimeve të regjistruara për nenin 284 të K.Penal megjithatë numri i bimeve të kultivuara është pothuajse në të njëjtat nivele cka tregon se strategjia e kultivuesve ka ndryshuar duke përdorur parcela të vogla, me numër të vogël bimësh në vende të fshehta kryesisht larg qendrave të banuara në mal ose në pyje që kërkon një mobilizim më të madh nga organet ligjzbatuese për kontrollin e territorit dhe parandalimin në kohë të përhapjes së kesaj veprë penale.

CESHTJET ME TË MITUR

Në Prokurorinë e Rrethit Gjyqësor Krujë funksionon Seksioni për të Mitur i cili ka në përberje të tij një prokuror dhe një oficer të Policisë Gjyqësore . Aktualisht ky seksion po funksionon normalisht mbasi një ndihmese të madhe ka dhënë edhe prania e kordinatorës për asistencë ndaj subjekteve me status të posaçëm. Për vitin 2020 nga ky Seksion janë trajtuar gjithsej **9** procedime, me **10** persona nën hetim (të mitur në konflikt me ligjin) të gjithë të gjinise mashkullore, nga këta **3** (tre) persona janë ndjekur me masën e sigurimit “arrest në shtëpi”, kjo për shkak se akuza ka qene për vepra të rënda penale si “Plagosja e rënde me dashje”, “Prodhim dhe shitje të narkotikeve” dhe “Nxitje për përdorimin e drogës” sipas neneve, 88/2, 283/1 dhe 286/1 të K.Penal, të tjerët janë hetuar pa masë sigurimi. Nga këto për **3** çështje është vendosur pushimi , **2** çështje janë dërguar për gjykim me të pandehur të mitur si dhe 2 çështje të tjera janë dërguar për gjykim në ngarkim të dy të pandehurve të rritur por me viktime shtetas të mitur për veprat penale “Përndjekja”, parashikuar nga neni 121/a dhe “Shkelja e rregullave të qarkullimit rrugor” sipas nenit 290/2 të K.Penal, ndërkohe që vazhdon hetimi për çështjet e tjera. Në tre rastet e pushimit të çështjes është aplikuar masa alternative “**paralajmerim me shkrim**”. Përveç sa sipër për dy materiale kallezues me viktime të mitur është vendosur mosfillimi i çështjes.

PROCEDIMET E DËRGUARA PËR GJYKIM

Në vitin 2020 janë dërguar për gjykim **271** procedime penale, **35** çështje me shume se vitin e kaluar, me **344** të pandehur nga të cilët **105** të arrestuar dhe pjesa tjetër të ndjekur me masë të tjera sigurimi. Procedimet penale të dërguara për gjykim zënë rreth **30%** të numrit të përgjithshëm të procedimeve penale të përfunduara .

Nga kërkesat e dërguara për gjykim **5** raste i perkasin gjyqësorit me mareveshje.

Gjatë vitit 2020 nuk kemi asnjë rast të kallzuar nga ILDKP-ja, nuk kemi të regjistruar asnjë procedim penal mbi bazën e kallezimit të Kontrollit të Lartë të Shtetit apo Sektorit të Dekriminalizimit në Prokurorinë e Përgjithshme mbasi nga këto Institucione nuk është referuar asnjë rast i tillë në këtë

Prokurori. Ne nje mase te madhe procedimet penale jane regjistruar mbi bazen e materialeve te referuara nga organet e Policise se Shtetit, pjesa tjeter nga kallezimet e qytetareve ne Prokurori si dhe ne raste me te pakta nga insitucinet e tjera publike dhe private.

Në TOTAL në vitin 2020 :

Janë përfunduar 917 procedime penale me **438 (347+91)** persona të pandehur/ nën hetim nga të cilët **108** të arrestuar.

Kanë mbetur në hetim 638 procedimi nga **543** procedime te vitit 2019 me **71** të arrestuar. Sic shihet jane **95** procedime me shume se vitin e kaluar. Edhe kete viti mbetet i larte numeri i çeshtjeve te mbartura (+ 95) . Arsyet e kesaj lidhen me nje sere shkaqesh objektive, se pari kete vitit jane regjistruar **160** çeshtje me shume se vitin e kaluar ne nje kohe kur organika ka qene e pandryshuar, se dyti ndikim ka ushtruar edhe fakti qe kemi punar ne kushtet e nje pandemie qe ka prekur te gjithe vendin. Gjithesesi nese organizimi i punes do te ishte me eficient rezultatet do te ishin me te mira.

Objektivi ynë për çështjet e mbartura është që të përfundojnë ne nje periudhe sa me te shkurter mundesisht brenda 6 (gjashte) mujorit të parë të vitit 2021.

Është me vend të përmendim se gjatë këtij viti janë konstatuar zgjatje të panevojshme të afatit të hetimit për procedime të caktuara për shkaqe subjektive, për moskryerje të detyrave nga oficerët e policisë gjyqësore dhe mungesë kontrolli nga prokurorët e çështjeve. Fakti që janë zgjatur afatet e hetimeve deri ne tre muaj për **154** procedime me **104** të pandehur ose persona nën hetim nga te cilet **45** kane qene me mase sigurimi “arrest me burg”dhe mbi tre muaj per **41** procedime me **31** te pandehur nga te cilet **5** te arrestuar tregon se kërkohet më shumë vëmendje, më shumë kontroll nga prokurorët e çështjeve, por edhe nga drejtuesi i prokurorisë për të eliminuar zvarritjet dhe për të zgjidhur çështjet brenda afatave procedurale.

Treguesit e punës për secilin prej prokurorëve dhe oficerëve të policisë gjyqësore janë si më poshtë:

Prokurori	Procedime penale të përfunduara	Dërguar në gjyq	Pushuar	Pezulluar	Shpallur moskompetenca	Mbartur
Petrit Çano	23	9	2	12	0	6
Bujar Memia	251	83	31	135	2	185
Eliora Elezi	240	72	40	124	4	139
Florian Bonjaku	260	73	38	145	4	223
Florian Boriçi	143	34	17	92	-	85
Totali	917	271	128	508	10	638

Oficeri i Policisë Gjyqësore Arjan Resnja:

Ka trajtuar gjithsej 120 procedime, nga të cilat:

9 janë referuar për pushim procedimi.
53 janë referuar për dërgimin e procedimit në gjyq.
26 janë referuar për pezullim të hetimeve
1 për moskompetencë
21 procedime mbeten në hetim.

Oficeri i Policisë Gjyqësore Rexhep Derveni:

Te trajtuara gjithsej 225 procedime
Ka përfunduar gjithsej 150 procedime, nga të cilat:
44 janë referuar për pushim procedimi.
64 janë referuar për dërgimin e procedimit në gjyq .
10 janë referuar për pezullim.
1 është referuar për transferim.
31 janë mosfilluar.
75 procedime mbeten në hetim.

Oficeri i Policisë Gjyqësore Elion Balla:

Ka trajtuar gjithsej 150 procedime, nga të cilat:
20 janë referuar për pushim procedimi.
30 janë referuar për dërgimin e procedimit në gjyq.
10 janë referuar për pezullim.
50 procedime mbeten në hetim.
40 janë mosfilluar.

GJYKIMI

Për vitin 2020 ka përfunduar gjykimi për **191** procedime me **212** të pandehur nga të cilët **33** të arrestuar. Kanë mbetur të mbartura në gjykim **141** procedime penale.

Për 187 procedime është zhvilluar gjykim i shkurtuar.



Për 4 procedime është zhvilluar gjykim i zakonshëm.

Nga prokurori është kërkuar dënimi me burgim për **74** të pandehur dhe nga Gjykata është caktuar dënimi me burgim për **73** të pandehur.

Për 17 të pandehur prokurori ka kërkuar dënimin me gjobë dhe nga gjykata janë dhënë dënime me gjobë për **17** të pandehur.

Ndërsa nga 99 kërkesa të prokurorit për pezullim të egzekutimit të vendimit Gjykata ka dhënë këtë lloj dënimi për **98** të tilla.

Më poshtë paraqiten grafikisht llojet e dënimeve të kërkuara nga prokurorët dhe mënyra se si ka vendosur gjykata.



Për vitin 2020 gjykata nuk ka dhene asnje pafajesi

Gjykata ka vendosur pushimin e procedimit gjatë gjykimit për **6 ceshtje**.

Prokurori ka kërkuar **ne 3** raste terheqje aktesh dhe gjykata ka vendosur në **5** raste kthimin e akteve.

Për fazën e gjykimit i është kushtuar rëndësi sigurimit të provave të mjaftueshme për të vërtetuar fajësinë e të pandehurve si dhe diferencimit të llojit dhe masës së dënimit në varësi të veprës penale të kryer.

Për veprat penale me rrezikshmëri të theksuar shoqërore, si ato kundër jetës dhe shëndetit, veprat penale në fushën e narkotikëve, vjedhjet, mashtrimet, shkeljet e rregullave të qarkullimit rrugor, etj. kërkesat tona për llojin dhe masën e dënimit kanë synuar ne parandalimin dhe ndëshkimin e këtyre veprave penale. Ky qendrim me sa konstatohet është reflektuar në kategorinë e veprave penale kundër jetës dhe shëndetit të cilat rezultojnë dy here me pak këte vit në krahasim me vitin e kaluar por gjithashtu nga grafiket e pasqyruar në faqet e para të kësaj analize rezultoi se veprat penale kundër rendit dhe sigurisë publike dhe ato kundër pasurisë kanë pësuar rritje në krahasim me një vit më parë çka do të thotë se prokurorët duhet të rishohin qendrimin e tyre në gjykatë për këto kategori veprash duke e bërë më fleksibël dhe duke e përshtatur me format dhe tendencat e kriminalitetit në rrethin tonë.

Gjatë vitit 2020 kanë qenë **2** rastet kur prokurorët kanë apeluar vendimin e Gjykatës për ndryshim akuze apo për lloj dhe masë dënimi.

Është ushtruar e drejta e ankimit edhe kundër vendimeve për masat e sigurimit në **8** raste nga prokurori të cilat nuk janë pranuar nga Gjykata. Në **34** raste kanë ushtruar të drejtën e apelit të pandehurit dhe Gjykata ka rrefuzuar kërkesën e tyre në **14** raste.

EGZEKUTIMI I VENDIMEVE PENALE

Prokuroria e Rrethit Gjyqësor Krujë gjatë kësaj periudhe kohore ka kryer edhe detyrimet procedurale në fushën e egzekutimit të vendimeve penale. Prokurori **Florian Bonjaku** i ngarkuar me këtë detyrë ka urdhëruar egzekutimin e **183** vendimeve gjyqësore të formës së prerë.

Prej tyre:

Janë nxjerrë 37 urdhëra për egzekutimin e vendimeve me burgim nga të cilët janë egzekutuar **34** urdhëra.

Janë nxjerrë 31 urdhëra për egzekutimin e vendimeve me gjobë nga të cilët janë egzekutuar **13** urdhëra.

Janë nxjerrë 113+2=115 urdhëra për dënimet alternative të cilët rezultojnë të jenë egzekutuar **52** urdhëra.

Janë ekzekutuar gjithsej 99 urdhëra

Ngelen pa u ekzekutuar gjithsej 84 urdhëra

Gjithashtu janë kryer edhe detyrimet e tjera që lidhen me ankimet e palëve në Gjykatë gjatë fazës së egzekutimeve. Megjithatë ka përmirësime në krahasim me vitin e kaluar ende mbetet problem egzekutimi i dënimeve me gjobë, kjo kryesisht për shkak të objektivave (pamundësinë e pagimit të tyre nga personat e dënuar), por në ndonjë rast edhe për moskryerje të detyrës nga organet përmbarimore.

Po kështu gjatë këtij viti janë shqyrtuar në Gjykatë me pjesëmarrje të prokurorit edhe një numër i madh kërkesash të veçanta, gjithsej **140** (njëqind e dyzete) nga të dënuarit që ndodhen në Institucionet e vuajtjes së dënimit në teritorin që ushtron funksionet Prokuroria e Rrethit Gjyqësor Krujë. Me konkretisht janë shqyrtuar **75** kërkesa për “Lirim me kusht” nga të cilat janë rrefuzuar **46** kërkesa, janë pranuar **3** kërkesa, pushuar **2** kërkesa, për një rast është shpallur moskompetenca dhe **23** raste janë në proces, **17** kërkesa për “Qendrim në shtëpi” nga të cilat **10** janë rrefuzuar dhe **7** janë në

proces, per “Njohje te kohes se paraburgimit” jane shqyrtuar 5 kerkesa, te gjitha te rrezuara, per “Njohje amistie” jane shqyrtuar 39 kerkesa nga te cilat eshte pranuar vetem nje kerkese, jane shqyrtuar gjithashtu 3 kerkesa per konvertim denimi nga te cilat dy jane rrezuar dhe nje eshte pranuar si dhe nje kerkese per bashkim denimesh.

MARRDHENJET JURIDIKSIONALE ME AUTORITETET E HUAJA

Kemi 1 (nje) rast njohje vendimi penal të huaj dhe 5 (pese) leterporosi nga jashte

VEPRIMTARIA ADMINISTRATIVE

Gjatë vitit 2020 ne veprimtarine administrative te organit te Prokurorise se Rrethit Gjyqesor Kruje jane reflektuar ndryshimet e ligjit “Per organizimin dhe funksionimin e Prokurorise “ dhe ligjeve te tjera ne kuader te Reformes ne Drejtesi.

Ne kete kuader eshte kerkuar zbatimi i Regullores “Per organizimin dhe funksionimin e prokurorise prane gjykates se shkalles se pare Kruje” te miratuar nga Prokurori i Pergjithshem me Urdherin nr.164 dt.18.12.2020 ne te cilen jane percaktuar ne menyre specifike detyrat e cdo punonjesi te administrates. Me urdhera te brendshem dhe Udhezime te Pergjithshme te nxjerra nga Drejtuesi i Prokurorise mbi bazen e Udhezimeve te derguara nga Prokurori i Pergjithshem eshte normuar puna per administrimin e regjistrave, per shperndarjen e ceshtjeve nepermjet shortit , per organizimin dhe koordinimin e punes ne prokurori, per te unifikuar praktiken e ndjekur nga prokuroret per realizimin e pergjimit, rregullat per administrimin dhe ruajtjen e dokumentacionit te pergjimit, per trajtimin e materialeve te klasifikuara nga personat qe e kane kete akses dhe ne menyre te vecante per zbatimin e detyrimeve qe rrjedhin nga K.Pr.Penale por edhe nga Udhezimi nr.05 dt. 26.10.2018 i Prokurorit te Pergjithshem “ Per garantimin e asistences ndaj viktimave dhe deshmitareve te vepres penale si dhe Udhezimit te Pergjithshem nr.17 dt. 23.12.2020 “Per hetimim dhe ndjekjen penale efektive te veprave penale kunder dhunes ndaj grave , dhunes ne familje dhe dhunes me baze urrejtje”. Eshte krijuar regjistri i komunikimeve te brendshme ne Prokurori i cili garanton transparencen e mardhenieve dhe respektimin e te drejtave dhe detyrimeve nga palet.

Po keshtu ka vijuar puna per kryerjen e detyrave në përputhje me ligjin organik dhe Memorandumin e Mirekuptimit ndermjet Prokurorise se Pergjithshme dhe Drejtorise se Pergjithshme te Policise se Shtetit nr.1460 prot, dt. 30.09.2020. zbatimi i te cilt do te lehtesoje punen e ketyre dy organeve ne lidhje me disa vepra penale te cilat mbingarkojne pa shkak punen e Prokurorise.

Kete vit eshte realizuar nje bashkëpunim më i mirë me Zyrat Rajonale të Drejtorisë së Policisë Durrës vecanerisht ne Zyren Kunder Narkotikeve dhe rezultatet e arritura kane qene shume me te mira nderkohe qe konsatojme se Urdheresa e Drejtorit te Pergjithshem te Policise se Shtetit nepemjet se ciles u delegohet Komisariateve te Policise kyerja e hetimeve per kategori veprash penale si “Pastrimi i produkteve te vepres penale” etj nuk ka rezultuar eficente referuar kjo jo vetem kapaciteteteve njerezore por edhe cilesise se oficerave te policise gjyqesore te Komisariateve krahasuar me ata te Zyrave Rajonale te Drejtorive te Policise.

Gjatë vitit 2020 është treguar kujdes i veçantë për të trajtuar me përparësi dhe efektivitet për tu ardhur sa më parë në ndihmë qytetarëve çështjet që lidhen me termat e shkaktuar në dt. 26 nëntor 2019 si dhe shqetësimet e ngritura nga palët në proces apo qytetarët, është kërkuar në vazhdimësi që prokurorët të jenë korrekt me qytetarët, me vartësit, me kolegët, të ruajnë një figurë të pastër etiko-morale duke i shërbyer në radhë të parë vetes, por edhe ruajtjes së një imazhi të pastër të Institucionit..

Është me vend të theksojmë edhe përkushtimin e treguar nga personeli administrativ i kësaj prokurorie, kryesekretari, sekretaret ,punonjësja e pastrimit dhe shoferi, puna e të cilëve ka qenë mbështetje e rëndësishme për prokurorët dhe oficerët e Policisë Gjyqësore në ushtrim të detyrës së tyre, por edhe për qytetarët të cilëve u janë ofruar shërbime administrative të cilësisë së lartë. Për vitin 2020 janë shpenzuar në total në llogarinë 602 – 7.454.439 leke. Nder to vendin e kryesor e zene shpenzimet honorare në vlerën 3.007.600 leke dhe shpenzimet për sigurinë dhe ruajtjen fizike të objektit të Prokurorisë në vlerë 3.474.782 leke. Diferenca prej 972.057 leke është shpenzuar për pagesat e ujit dhe të energjisë elektrike, shërbime për materiale zyre dhe transporti etj. Detyrimet e prapambetura janë pasqyruar në bilancin e vitit 2020 dhe kapin vlerën 3.470.000 leke. Mbi 90 % e këtyre të fundit janë likuidime të pakryera për Insitutin e Mjekësisë Ligjore. Janë shlyer të gjitha detyrimet financiare për vitin 2020. Për të gjitha rastet e gadishmërisë dhe mbikohës së punës të cilat janë evidentuar në mënyrë të plotë dhe kapin shifrën 1.736.936 leke për të cilën punonjësit e kësaj Prokurorie janë paguar.

Vlen të theksohet se këto ngarkesa pune Prokuroria e Rrethit Gjyqësor Krujë e ka përballuar pjesën më të madhe të vitit me organike të cunguar por plotësimi nga Prokurori i Përgjithshëm i kërkesave për shtimin e numrit të oficerëve të policisë së Seksionit të Prokurorisë besojmë se do të përmirësojë punën

Nga analiza në tërësi e elementëve që u përmendën më lart, për të ardhmen prioritetet tona kryesore do të jenë:

1. Implementimi me sukses i gjithë ndryshimeve në K.Penal dhe K.Pr.Penale duke duke i dhënë përparësi pavarësisht se prokurorëve në vendimarrje por edhe aplikimit të instituteve të reja të parashikuara në këto Kode.
2. Përfundimi në një kohë sa më të shkurter të të gjitha çështjeve të mbartura nga viti **2020**.
3. Vazhdimi i ndjekjes me përparësi të procedimeve penale në fushën e kultivimit të bimeve narkotike me objektiv goditjen e tyre në kohë cka do të sjellë minimizimin e këtij fenomeni ,veprat penale në fushën e krimit ekonomik dhe korrupsionit, abuzimit me detyrën të nëpunësve shtetërorë, veprat penale kundër jetës, shëndetit, veprave penale të kalëzuara nga ILDKPI, Kontrolli i Lartë i Shtetit dhe Sektori i Verifikimit të Integritetit të Personave të Zgjedhur në Prokurorinë e Përgjithshme, veprat penale kundër fëmijëve, martesës dhe familjes me objekt të veçantë veprat penale kundër dhunës në familje , veprat penale kundër rendit dhe sigurisë publike, në veçanti shkeljet e rregullave të qarkullimit rrugor dhe çdo lloj forme tjetër të krimit që konsiderohet shqetësuese për komunitetin ku ushtrojmë detyrën.
4. Trajtim rigoroz i çështjeve me autore dhe viktimat të Mitur duke u dhënë përparësi interesit më të lartë të tyre , duke respektuar të gjitha rregullat e parashikuara në

Kodin e Drejtësisë Penale për të Mitur dhe duke zbatuar një politikë ndjekje penale dhe denimi që të shërbejë edukimit dhe integritetit të tyre në shoqëri.

5. Rritja e numrit të hetimeve proaktive dhe përdorimit të teknikave speciale të hetimit , kryerja e hetimeve sistematike pasurore për të gjitha rastet e parashikuara në ligj me synim sekuestrimin dhe konfiskimin e pasurive me burime kriminale.
6. Ndjekja në vazhdimësi e çështjeve për ngjarje kriminale të rënda të pezulluara në vitet e mëparshme dhe këto kuader forcimi i bashkëpunimit me Policinë Gjyqësore dhe organet e tjera ligjzbatuese me qëllim për të mos lejuar askënd t'i shpetojë ndëshkimit ligjor për veprat e kryera.
7. Rritja e funksionit drejtues dhe kontrollues të prokurorit në hetimet paraprake të kryera nga Shërbimet e Policisë Gjyqësore.
8. Përmirësimi i organizimit, drejtimit dhe kontrollit brenda organit të Prokurorisë në përputhje me Ligjin nr.97/2016 “Për organizimin dhe funksionimin e Prokurorisë në Republikën e Shqipërisë”, si dhe “Rregullores Standarte të Organizimit dhe Funksionimit të Prokurorisë të Juridiksionit të Përgjithshëm” për tu pershtatur me ndryshimet e këtij ligji me synimin për t’ju përgjigjur në kohë dhe me cilësi të kërkuesave të luftës kundër kriminalitetit, forcimit të disiplinës së brendshme dhe të vullnetit për të identifikuar çdo lloj problematike brenda organit dhe për ta goditur atë përpara se të ndodhë.
9. Respektimi i detyrimeve të ligjit procedural penal, rekomandimeve të Këshillit të Ministrave për luftën kundër kriminalitetit dhe Udhëzimeve të Prokurorit të Përgjithshëm në këtë drejtim.
10. Forcimi i bashkëpunimit ndërinstitucional sidomos me Prokurorinë Kundër Kriminimit të Organizuar dhe Korrupsionit me qëllim shkëmbimin në një kohë sa më të shpejtë të informacionit për goditjen në kohë të të gjithë rasteve korruptive, me Policinë e Shtetit por edhe me të gjitha organet e tjera ligjzbatuese.
11. Rritja e profesionalizimit të prokurorëve kjo nëpërmjet ndjekjes së trainimeve vazhduese në Shkollën e Magjistratures si dhe ruajtja e një figure morale të pastër jashtë çdo ndikimi për të përfaqësuar në mënyrë dinjitoze Institucionin në raport me publikun, brenda dhe jashtë orarit të punës.

**DREJTUESI I PROKURORISË
PETRIT ÇANO**